

FAHKWACK LAL MWET PAHLUH JOSEPH SMITH

Alu luhn Jisus Kraist
luhn Mwet Wo in Lwen Sahflah



**FAHKWACK LAL
MWET PAHLUH
JOSEPH SMITH**

**Oreklac sin
Alu luhn Jisus Kraist
luhn Mwet Wo in Lwen Sahflah
Salt Lake City, Utah, USA**

© Copyright 1990
by
The Church of Jesus Christ
of Latter-day Saints
All Rights Reserved

*The Prophet Joseph Smith's
Testimony* in Kosraean
Printed in the United States
of America

32667 868

Ipin sramsram mahtuh inge ma orekweni ac sihmlac sel Joseph Smith. Ma inge sruhmuhn kuhtuh ma yohk sikyak ke Alu luhn Jisus Kraist luhn Mwet Wo in Lwen Sahflah muhtwacwacack ah.

Nga isuslac ke December 23, 1805 in acn srisrik se pahngpahng Sharon in Windsor, Vermont. Ke pacl se nga yac 9 ah, pahpah tuhmuhk, Joseph Smith Senior, el som liki acn Vermont nuh ke acn srisrik se pahngpahng Palmyra in New York State. Yac 4 tukun pahpah tuhmuhk ah sun acn Palmyra ah, el us muhtwacn kiacl ah ac tuhlihk nahtuhl ah som nuh ke acn srisrik se pahngpahng Manchester.

Yac se kuhtuh tukun kuht som nuh Manchester ah oasr kuhtuh fohs muhtwacwacack in sikyak ke alu we ah.

Muhtwacwacack yurin alu luhn Methodist, tiac paht nohfohn na alu in acn sac weacng. Mwet pucspucs weang kain in alu puhkantwen. Weacng lalos inge oraclah akuhkuhin ac fohs inmahsrlon mwet uh. Kuhtuh seltahl fahk muh alu lalos uh pa pwaye uh. Kuhtuh selos akuhkuhin nuh sin alu luhn Methodist, kuhtuh nuh sin alu luhn Presbyterian ac kuhtah pac nuh sin alu luhn Baptist.

Kain in mwet luti pucspucs srihke kuhiyaclos in oruh mwet uh in wieang alu lalos ah. Weacng lahlahlfongi se pa kaks se ma eltahl luhngse orekmakihn uh. Eltahl fahk muh tiac srisrilac alu mwet se kuh in wi. Oacna sie alu eltahl kuh in wi.

Mwet ma weacng kain in alu inge ahkkahlwemye luhngse laltahl nuh sin mwet nuhkwewa ke pacl se eltahl welah lahlahlfongi sac uh.

Tuhsruhk tuh ke eltahl muhtwacwacack welah kain in alu pucspucs inge, luhngse inmahsrlon pastor ac mwet ke alu sac tiac pwacye. Puhkantwen fohs ac nuhnak koluk sikyak tukun mwet inge weacng alu inge

ah. Pastor, ac mwet ke kais sie alu inge akuhkuhin nuh sin kuhtwepacna alu sahyac ah. Ke ma inge wacngihnlac luhngse se inmahsrlon mwet uh met ah ke srihpen akuhkuhin lalos inge.

Nga yac 14 in pacl se inge. Kuhtuh sin mwet ke sucu luhk ah pwacrack ke alu luhn Presbyterian ah, ac ahkosr seltahl weacng. Eltahl pa ninac kiuck ah Lucy; tuhlihk mukul luo wiuck, Hyrum ac Samuel Harrison; ac tuhlihk muhtwacn se wiuck, Sophronia.

Arulacna koluk ikok ke pacl se fohs inge sikyak inge. Nga arulacna nuhnkuh yohk ke alu uh. Tuhsruhk tuh fin nwe oasr nuhnak kuh ac puhla luhk, nga tiac na weacng sie sin alu inge, nwe ohinge nga wi som nuhke tuhkweni pucspucs laltahl.

Tok, nga muhtwacwacack in motkoe ke alu luhn Methodist ac, na nga puhla muh nga ke welah. Tuhsruhk tuh arulacna upac fohs ac akuhkuhin inmahsrlon alu inge oruh upac nuh sin kain in mwet fuhsr se ma oacna nga wacngihn etuh la uh in sulacalah lah piac ma se ma pwacye kuh stuhuh uh.

Pacl puhs nga nuhnkuh lah meac nga ac oruh ke kain in akuhkuhin ac nuhnak pucspucs inge. Nga nuhnkuh lah suc kac sin alu pucspucs inge pwacye uh, kuh acnuh eltahl nohfohn stuhuh. Nga nuhnkuh lah fin sie seltahl pwacye, nga ac etuh fuhkah?

Nga fohsack na pwacye ke srihpac pucspucs mwet luti ke kais sie alu inge fahk muh pwacye ke alu lalos uh. Ke ma inge sie lwen ah nga riti Lacta Lal Jemes Sapter 1 verse 5. Fahk muh: *"Ac kuhtwena suwos fin enenuh in lahlmwetmwet, lwelah elan siuck sin God kac, El suc acse nuh sin mwet nuhkwewa yohk na, ac El tiac muhlat ac fah sang nuh sel."*

Verse se ke Baibel inge mokle nuhnak luhk uh yohk liki nohfohn pohloh kaks ma mokle nuhnak luhn mwet uh. Yohk puhla luhk muh el mokle insiuck ke el utyak nuh

loac ah. Nga nuhkuh pacl pucspucs. Nga etuh lah nga enenuh lahlmwetmwet sin God yohk liki mwet nuhkwewa, mweyen nga nihkihn lah meac nga ac uruh uh.

Oacyacpac nga etuh lah nga tiac kuh in etuh ma nga ac oruh nwe kena yohkwaclihk lahlmwetmwet luhk uh. Mwet luti ke kais sie alu inge nohfohn siena kahlwem la ke verse lun Baibel uh oruh nga tiac lahlalfongi muh kihsensiuck se inge ac topukyucklac ke Baibel.

Aruhruhma se Met Lal Joseph

Nuhnak sahflah luhk ah pa sie sin tari muhta na fohs kuh in oruh oacna ke Jemes el sap kuht in siuck sin God ah. Nga nuhkwacack in siuck sin God. Nga nuhkuh muh El fin sang lahlmwetmwet yonk na nuh sin mwet ma srihklac se uh, ac tiac muhlat nga fin siuck, na nga ac srihke in siuck.

Nuhnak luhk uh, nga otwelah in siuck sin God, nga som nuh insack ah in pruhe nuh Sel. Nga oruh ma se inge ke lotutacng in lwen na wowo ac kahlwem se, toang na ke spring 1820. Pa inge pacl se oemet in moul luhk nga srihke in wowoyak pruhe uh.

Ke nga sun acn se ma nga sulacalah ah, nga ngwetngwet suk lah pwacye nga muhkwenana. Na nga sikuckmuhtuhntei ac muhtwacwacack in ahkkahlwemye enenuh se luhk ah nuh sin God ke insiuck nohfohn. Pacl na sa nga puhla kuh na upac se usruk yucyak. Nga lut na upac, inwaclihk kauli nga koflah in sramsram. Lohsr na mahtoltol se rauniyuclac ac kihtin pacl ah nga nihkihnyuclac. Nga tiacna motkoe kuh sac. Nga lut na pwacye ke kuh na sakihrhik sac, ma sin nguhn na pwacye se ma nga tiac puhla kain in kuh se inge sin kuhtwena mwet met.

Tuhsruhk nga sang kuhiyuck nohfohn in pruhe nuh sin God in esyuclah liki in poun mwet lokalok se luhk inge. Ke pacl se ma

nga apkuhran in fuhlweack finsrak luhk ah, nga lie koan kahlwem soko fin sifuck suc arulacna kalwem liki faht ah. Kahlwem sac kais kuhtuh srisrik kihluck nwe kena sreyucwi.

Ke pacl se na kahlwem sac sikyak ah nga tilac puhla kuh se luhn mwet lokalok se nuh sik ac. Ke kahlwem sac sreyucwi ac nga lie mwet luo in wolauna laltahl suc nga tiac kuh in ahkuhtweyac. Eltahl tu suwohs nuh yuruk yen engyeng uh. Sie seltahl sramsram nuh sik ac pahngon inek. El srihsrngiac mwet se sahyac ah ac fahk, "*Pa inge Wen kuloh nuhtik. Porongwacl.*"

Nga som in siuck sin Leum lah piac alu se ma pwacye uh ngan weacng. Na ke pacl se nga kuhlac in sramsram ah, nga siuck sin mwet se tu siskuck ah lah piac alu se ma fal ngan weacng uh.

El fahk nuh sihk muh ngan tiac wi nohfohn mweyen eltahl nohfohn na stuhuh. Mwet se sramsram nuh sik ac muh luti nuhkwewa laltahl ah suhfal ye muhtuhn God.

El fahk muh mwet luti inge nohfohn tiac suwohs. El fahk muh eltahl ahkfuhlwactyacl ke kahs tuhsruhk tuh eltahl tiac oruh ma eltahl fahk uh. El fahk muh eltahl luti ma sap luhn mwet uh oacna in ma sin God me. El fahk muh ma sap inge srihnenyak ke ma sap luhn God uh tuhsruhk mwet luti inge lahfwekihn kuh na pwacye luhn God uh.

El sifilpac fahk nuh sik muh nga in tiac wi siefanna alu inge, ac El fahk pac ma pucspucs suc nga koflah suhmuhslah nohfohn ingena. Ke pacl se sahflah aruhruhma sac ah, nga etweyucyak tuh nga nuh oan ngwetack nuh inkuhsrao.

Tukun lwen puh, pacl na wowo se luhk ngan ohsun nuh sin sie mwet na pwengpweng ke mukwikwi ke alu luhn Methodist ac. In kihtin pacl nga sramsram nuh sel ke alu inge, pacl na wo se luhk in

*"Kuh na pwacye nuhnak luhk in
siuck sin God, nga som nuh
insack ah ac srihke."*



*"Nga lie mwet luo arulacna
sahromrom suc nga tiac kuh
in ahkkahlwemye luhan
wolacna laltahl ah."*



sruhmuhn nuh sel ke aruhruhma se luhk ah. Nga lut na pwacye ke mukwikwi lal ah.

El tiacna motkoe yohk ma nga sruhmuhn nuh sel ah. El oacyacpac kasrkuhsrak ke ma nga fahk ah ac el fahk muh aruhruhma sac ma sel devil. El fahk muh wacngihn aruhruhma kuh ma lieyuck in pacl inge. El fahk muh ma inge nuhkwea sahflah na ke pacl luhn Kraist ac, ac fah tiac sifil sikyak.

Tiac paht nga konwacack lah ke nga sruhmuhn sramsram sac nuh sel ah nga oruh mwet ma motkoe muh kuh lahlahlfongi la ah lain yuc in kuhnausyuclac. Eltahl ahkweokyeyuc arulacna upac, ac mwe kweok inge yohkwaclihk. Nga tiac arulacna etweyuck; Nga srackna tuhlih inmahsrlon yac 14 ac 15. Wacngihn wal fuhlwact luhk. Nwe ohinge, mwet ma oasr wal fuhlwact la inge puhla muh yohk srihpuck ac enenuh eltahl in ahngonwack mwet uh in lain yuc ac ahkkweok yeyuc. Mwe ahkkweok inge tuhkuh ke kain in alu nuhkwea. Eltahl nohfohn pwacpwacni in ahkkweok ye yuc.

Nga mahtuh kuhtuh srisrik na liki yac 14 ac nga enenuh in orekma lwen nuhkwea ngan muh kuh in moul kac. Ke srihpac se inge, nga nuhnuhkuh na pwacye, ac nga nuhnuhkuh pacl pucspucs in pacl sac me lah efuh mwet na yohk srihpac ke alu na pwengpweng inge kuh in lohma nuh sik. Nga nuhnuhkuh pac lah efuh eltahl nuhnuhkuh muh yohk srihpac nuh seltahl in fosrngahkihn in ahkkeokyeyuc ac in fahk ma suhfal keik. Tuhsruhk fin nwe sakihririk ohinge nuh sik pa na ingacn luhmah uh, ac mweyen ohinge uh, pacl puhs nga ahsor.

Nwe ohinge, ma ke srihpen mwet luo muhtwacta yuruk ac. In pacl sac me nga puhla oacna puhla lal Paul mwet sap ah, ke el sifacna molwel ye muhtahl tohkohsrah Agripa ah. El sruhmuhn sramsram ke aruhruhma se lal ke el lie kahlwem sac ac lohng puhsra sac. Kuhtuh mwet ah isruhnuhl ac fahk muh el wel. Tuhsruhk tuh

tiacna ekuhllah ma pwacye se ke aruhruhma se el lie ah.

Pwacyena lah el lie aruhruhma se. El etuh lah el lie, a wacngihn ahkkohs luhn facluh kuh in ekuhllah ma pwacye sac. Eltahl fin nwe unilyac ke el fahk ah, el etuh, ac pacl nuhkwea el etuh na pwacye lah el lie kahlwem se ac long puhsra se sramsram nuh sel. Mwet fin facluh nuhkwea tiac kuh in oruh elan nuhkuh kuh lahlahlfongi muh el tiac lie.

Nga oacpacna. Nga lie na pwacye kahlwem se. Infulwen kahlwem sac, nga lie mwet luo. Ma na pwacye lah eltahl sramsram nuh sik. Fin nwe koase yuck ac ahkkweokyeyuck nga ke nga fahk uh, tu ma na pwacye. Mweyen nga fahk muh nga lie aruhruhma se ah, mwet uh ahkkweokyeyuc ac fahk ma kikiacp pucspucs keik.

In pacl se inge, nga nuhkuh na pwacye lah efuh eltahl ahkkweok yeyuc ke ma pwacye. Ma na pwacye lah nga lie aruhruhma se. Suc nga uh kuh in lain God? Efuh eltahl luhngse oruh ngan lahfuh ma pwacye nga lie uh? Nga lie aruhruhma se ac nga etuh lah nga lie. Oacyacpac God el etuh lah nga lie. Nga tiac kuh in lahfuh. Nga tiac kulun na kuh pac in lahfuh kuhtuh srisrik. Nga etuh lah nga fin lahfuh, nga ac ahkolukye God ac ngwac kuhnausyucklac.

Nwe ingena nga falkihn ma nga nuhkuh ke alu facluh uh. Nga etuh lah nga ac tiac weacng sie seltahl. Nga ac oruh nwe kena God el acse in yohkwaclihk etwacack luhk. Nga konwacack tuh kahs lal Jemes ah pwacye. Mwet ma srihklac etwacack se uh kuh in siuck sin God, ac God el ac sang, ac tiac muhlat nuh sel.

Muhtwacta Lal Moroni

Moul luhk lwen nuhkwea nuh ohiyac ah na nwe ke September 21, 1823, in pacl nuhkwea ahkkweokyeyuck upac sin kain in

mwet nuhkwea, kwewana mwet
lahlahlfongi ac mwet tiac lahlahlfongi
mweyen nga nuh kalweni na in sruhmuhn lah
nga lie aruhruhma se.


Inmahsrion pacl se ma nga aruhruhma
inge ac ke yac 1823, nga puhla kain in mwe
sruhf nuhkwea. Ma ke puhlan pacl se na
nga fuhsr ac kuh in mahno ah. Nga koflah
weacng sie sin alu inge. Nga
ahkkweokyeyuck sin mwet kawuck luhk ac
mwet ma enenuh in oreyuc wo uh.

Eltahl fin nuhkuh muh kiacpweyucklac
nga, na eltahl enenuh in srihke ke innek in
luhngse ac wo in moli yuclac liki
lahlahlfongi stuhuh se luhk ah. Tuhsruhk nga
muhtwacta yurin kain in mwet puhkantwen
ac pacl puhs nga puhtatyang nuhke
tahfonglac pucspucs, ahkkahlwemye luhpan
muhnahs luhn mwet fuhsr se ac lahlfon luhn
mwet uh. Tahfonglac inge, nga pahkomuhta
in fahk, kol yuc lac nuhke mwe sruhf
pucspucs, ma tiac wo ye muhtuhn God. Ke
nga taltal koluk ke ma inge uh, wacngihn
mwet enenuh in nuhkuh muh nga fohkfohk
ke kuhtwena ma koluk yohk kuh upac. Nga
tiac kuh in kihfucsyucklac in kuhnahoslah
kain in ma koluk inge.

Ke srihpen ma inge, pacl puhs koluk ikok
ke muhnahs ac semuhtweng luhk inge.
Tukun ngan mutullac ke fong in September
21 (ke lwen se nga fahk met ah) nga
muhtwacwack in pruhe ac siuck sin God
Kuhlacna in nuhnak muhnahs ke ma koluk
nuhkwea ac mukwikwi suhfal luhk uh.
Oacyacpac nga siuck elan sifilpac sikyak
nuh sik ngan muh kuh in etuh lah meac el
nuhkuh keik. Yohk na pwacye lahlahlfongi
luhk muh el ac sifilpac sikyak nuh sik,
oacna ke el oruh met ah.

Ke pacl se nga pruhe nuh sin God ah nga
lie kahlwem se sikyak ke infuckihl luhk ah.
Kahlwem sac kais kuhtuh kahlwem lah nwe
kena infuckihl sik ac kahlwem liki infulwen
lwen uh. In kihtin pacl ah na mwet na

*"Lupufacn se pahngpahng Moroni
sikyak sisken bed luhk ah,
ac fahk muh oasr orekma God
el ac acse ngan oruh."*



sahromrom se tu sicken bed luhk ah. El tu yen engyeng uh, niaci tiac puhsral fin falfucl ah.

El nukum robe ahrosros fasrfasr na kahto se. Nuknuk sac fasrfasr liki kain in ma fasrfasr nuhkwea nga lie facluh uh. Nga lahlahlfongi muh wacngihn ma kuh in oreklac facluh fasrfasr ac suhromrom oacna. Poun nuknuk lal ah kuflac lucng kuhtuh srisrik liki fukwen pahol. Ac nien nuknuk lal ah kuflac lucng kuhtuh srisrik liki intwel. Oacyacpac insifacl ac inkwacwac kohflofohl. Nga lie lah wacngihn nuknuk el nukum pac sahyen robe se inge, mweyen ikackwelihk inkwacwac ah oruh nga kuh in lie inniwac.

Tiac fasrfasr muhkwea robe se lal ah tuhsruhk el sifacna, tiac kuh in fwack sahromrom kacl ah, ac mahnol kahlwem oacna sahrom uh. Infuckihl sac kahlwem pac tuhsruhk tiac kahlwem oacna acn siskacl ah, ke nga tuhfhana liaclwack ah nga sahngweng, tuhsruhk sahngweng luhk ah sa na som likiuc.

El pahngon inek ac fahk muh inel pa Moroni. El fahk muh el mwet kuhlwacnsap se suhpweyuck me sin God me nuh sik, ac oasr orekma luhk God el acse ngan oruh. El fahk muh mwet muhtuhfaci nuhkwea, sruf ac kain in kaks ac etuh inek. Kuhtuh ac fahk ma wo keik ac kuhtuh ac fahk ma kikiacp. Ke sie pacna kaks, inmahsrlon un mwet nuhkwea, kuhtuh ac nuhnkuh muh nga wo ac kuhtuh muh nga koluk.

El fahk muh el pihkihnyac puk se ma sihmlac e ke plates in gold. In puk sac oasr ipin sramsram se loac ke mwet ma muhta oemet in acn America ah. El oacyacpac fahk lah nwacnwaclah in puk sac mwo sasu luhn God ma pahtpaht suc Mwet Lango el sang nuh sin mwet mahtuh met ah. El oacyacpac fahk lah yot luo wi plates sac puckpucki. Yot inge oan ke fuhrem silver se fulfulyang nuhke mwe loeyuck nuhke

inniwac se ac eltahl pahngpahng Urim ac Thummim.

El fahk lah in pacl met ah, mwet ma oasr kuh la in orekmakihn yot inge uh pahngpahng "mwet liactwen" ac God el ahkolah yot inge in kuhfwen orekma se nuhke luhngasyen puk se inge.

Tukun el fahk nuh sik ma inge ah el muhtwacwacack ahkuhtweyac kuhtuh pahluh ke Mwuleang Matu. Ma se oemet el ahkuhtweyac ah pa sie ip ke sapter ahktolu ke Malakai. El oacyacpac ahkuhtweyac Sapter se ahkahkosr ke puk in pahluh sac na. Tuhsruhk siena kuhtuh srisrik liki Baibel nahtuhsr uh. Sayen ahkuhtweyeyac se ke verse se met in Baibel nahtuhsr uh, el ahkuhtweyac ohinge: *"Pwacyena ac fah oasr lwen se tuhkuh ma ac fihrihr oacna sie fucnyuc ac mwet fihlacng ac mwet koluk ac fah fihrihryak oacna ke ma wacngihn srihpac uh fihriyuckyak uh. Mwet ma tuhkuh un ac fuhrweltahlwack. Leum el fahk in muh wacngihn okah kuh lah luhlah kacltahl."*

El ahkuhtweyac verse se ahklimekohsr ah ohinge: *"Lie nga ac fah fohlohkuhnwack nuh suwos kuh kac l Elijah, mwet pahluh, met liki lwen luhlahp ac ahksahngweng se, ke pacl se Leum el ac tuhkuh uh."*

Oacyacpac el ahkuhtweyac verse se ahk ohnkohsr siena: *"El ac fah sang nuh in nuhnak luhn tuhlihk uh olwelah ma God el oraclah nuh sin mwet mahtuh lalos, ac insien tuhlihk nahtuhlos ac fohlohk lac nuh sin mwet mahtuh lalos. Fin tiac ohinge, facluh nohfohn ac pihsacalah ke pacl se Leum el ac tuhkuh uh."*

Weacng pac ma inge, el ahkuhtweyac sapter ahksingucul sie in Isaia, fahk muh pahluh lal in sapter se inge apkuhran in ahkpwacyeye yuck. El oacyacpac ahkuhtweyac sapter se ahktolu ke Orekma luhn Mwet Sap verses 22–23 oacna ke sihmlac in Mwuleang Sasu. El fahk muh

mwet pahluh se ma sruhmuhn yuck ke verse inge uh pa Kraist. Tuhsruhk el fahk muh soenna tuhkuh lwen sac "ac fah twe oruh tuh mwet e nuhkwewa suc fah tiac porongo mwet pahluh sac, fah sisyucklac liki inmahsrlon mwet Lal uh." Tuhsruhk lwen sac ac fah sa tuhkuh.

El oacyacpac ahkuhtweyac sapter ahkluo in Joel, ke verse 28 nuhke verse 32. El fahk lah pahluh se inge soenna ahkpwacyeyeyuck, tuhsruhk ac ahkpwacyeye yuck ke pacl sa. El ahkkahlwemye pac muh ac pacl fototo ac ituckyang nuh sin mwet gentiles in oruh kuhiyaclos in eis mwo sasu. El ahkuhtweyac sramsram ke verse puhkantwen in Baibel suc nga tiac kuh in suhmuhslah ingena.

El fahk pac nuh sik muh soenna sun pacl fal elan use plates ah nuh sik, tuhsruhk ke pacl se el ac use nuh sik uh, nga tiac enenuh in ahkkahlwemye nuh sin kuhtwena mwet. Nga fin oruh, ac kuhnausyucklac nga. Nga ac kuh in ahkkahlwemye nuh sin mwet na ma God el sap ngan sang in lie uh. Ke pacl se el sramsram nuh sik ke plates sac, nga lie aruhruhma se.

In nuhnak luhk uh nga kuh in lie acn se ma plates se inge puckpucki we ah. Aruhruhma sac arulacna kahlwem oruh nga akiklen na acn sac ke pacl se nga som nuh we tok ah.

Tukun el fahk ma inge nuh sik ac nga lie kahlwem se lun infuckihl sac ah muhtwacweacack in fahsreni raunwellah. Orek na ohinge nwe kena infuckihl sac lohsrlah oacna met ah, sahyen acn na siskacl ah. Na in kihtin pacl ah nga lie oacna in koan kahlwem soko mayak som nwe inkuhsrao. El weack na koan kahlwem soko ah twe wacngihnlac. Tohkoh, infuckihlsac sifil lohsrlah oacna met ah.

Nga oan nuhnkuh ke ma usrnguck se nuh sik ac nga lut in nuhnkuh lah meac mwet

utuck kahs se tuhkuh inkuhsrao ah fahk nuh sik ac. Ke nga srackna oan nuhnkuh ah, nga liacack lah infuckihl sik ac sulpac muhtwacwacack in kahlwem lah. In kihtin pacl srisrik na mwet sac pacna tu sisen bed luhk ah.

El sifilpac muhtwacwacack fahk nuh sik ma na el tuhkuh fahk nuh sik met ah. El tiac ekullah siefanna ma el fahk nuh sik met ah. Tohkoh, el sruhmuhn nuh sik ke nuhnkuh upac ma ac tuhkuh ke pacl tok uh nuh facluh uh: muhsallah luhlahp ke sracl, mweun, ac mwe lokalok pucspucs.

El fahk muh nuhnkuh upac ac kuhnahoslah facluh ke we se inge. Tukun el fahk ma inge nuh sik ac el somwack nuh inkuhsrao oacpacna met ah.

Ke pacl sac nuhnak luhk ah fohsack na upac oruh nga koflah mutul. Nga oan koflah mukwikwi ke kwewa na ma nga lie ac lohng ah. Tuhsruhk nga lut na upac ke pacl se nga lie mwet sac pacna sifilpac sikyak sisen bed luhk ah. Nga lohng ke pacl ahktolu el fahk nuh sik ma na el sruhmuhn nuh sik met ah. Yohk liki na, el sensenkihn nuh sik muh mweyen sucu luhn pahpah tuhmuhk ah suhkahsruh uh, Setan el ac srihke in srihfe yuc in uslah plates inge ac orekmakihn in oruh ngan kahsruhpi.

El sensenkihn nuh sik in tiac oruh ohinge ac el fahk lah srihpac sefanna oruh nga eis plates sac uh pa in sang muhsaheack tohkohsrahi luhn God. El fahk lah nga tiac kuh in welah kena luhn mwet sahyac. Kuhtwena srihpac sahyac inge ac oruh nga tiac kuh in eis plates se inge.

Tukun muhtwacta se lal ahktolu inge el sulpac som nuh inkuhsrao oacna met ah, ac nga sulpac oan nuhnkuh yohk ma usrnguck sikyak nga tuhfhahna puhla inge. Tukun na mwet sac som likiyuc pacl se ahktolu ac, nga lohng won se kahklah ac nga akihlenwack lah lwenwelihk. Kalmac pa

muhtwacta lal nuh yuruk ac eslah fong na fohn se.

Tiac paht tohkoh, nga tuhkahkwek liki bed kiuck ah som orekma. Nga srihke in orekma oacna pacl nuhkwea, tuhsruhk nga konwacack lah nga ullac ac nga tiac kuh in oruh kuhtwena ma.

Pahpah tuhmuhk ah wiuc orekma, el lie lah oasr ma sikyak nuh sik, na el sap ngan som nuh lohm ah. Nga fahsr nuh lohm ah, ke pacl se ma nga srihke in fanyak liki kalkal ah, wacngihnlac nohfohn kuh luhk. Nga puhtatlac nuh infohk ah ac kihtin pacl ah na nga tiac etweyuc.

Ma se nga esam oemet uh pa puhsren mwet se sramsram nuh sik ac pahngon inek. Nga ngwetwack ac lie mwet sac tu fuck ac kahlwem se raunwellah oacna met ah. Na el sifilpac kalweni ma nuhkwea el sruhmuhn nuh sik ke fong ah. El sap ngan som nuh yurin papah tuhmuhk ah ac fahk nuh sel aruhruhma sac ac ma sap nga eis sel ah.

Nga ahkos ma el fahk ah. Nga fohlohklac nuh yorohl pahpah nuhke imac ah ac sruhmuhn nuh sel nohfohn aruhruhma sac. El topuk yuc fahk muh ma sin God me ac el fahk muh ngan som ac oruh oacna ma mwet sac sap ngan oruh ah.

Nga som liki imac ah nuh yen se ma mwet sac fahk muh plates sac puckpucki we ah. Mweyen arulacna kahlwem aruhruhma se nga lie ah, oruh nga akikhlen na acn sac ke pacl se na nga sun ac.

Plates in Gold

Apkuhran nuhke acn srisrik se pahngpahng Manchester in New York, finohl soko ma fuhlwact oemet in acn sac uh oasr we. Plates se inge oan in pohk yot se puckpucki lwacyen nuh rohtoh apkuhran nuhke mahngon eohl uh. Eltahl oan ye yot na luhlahp se, yot sac mahtoltol infulwac ac

raun lwacyacn nuh lucng ah. Siskac ah mihnini ac taunyucki ke fohk oruh acn se na infulwac ah oan fin fohk ah.

Tukun nga eslah fohk sisenk yot sac raunyak ah, nga konwacack sahk soko na nga isongwacng nuh yac. Nga ana ewa na yot sac mayak. Nga ngwetwacng nuh in pohk sac lie plates ah, Urim ac Thummim, ac mwe loeyuck sac oacna ke mwet sac fahk nuh sik ac. Pohk se ma oan loac ah oreklac ke kain in yot se, aten simacn. Kapihn pohk sac, yot lukwac pihtuckwelihk oan loac. Plates inge ac ma sahyac ah fihliucki fin yot inge.

Nga srihke in eslah plates inge, tuhsruhk mwet sac srahngwesr. El sifilpac fahk nuh sik muh tiac pacl fal nga in sruhwack, tiac pac pacl fal nwe kena tukun yac ahkosr. Tuhsruhk el fahk muh nga enenuh in fohlohkoh nuh insac ke pacna lwen sac ke yac tohkoh ah, el ac ohsun nuh sik we. El fahk muh nga enenuh in oruh ke yac nuhwewa nwe kena pacl fal ngan eis plates ah.

Nga som nuh finohl soko ah ke kais sie yac oacna ke el sap ah. Nga sun mwet sac pacna we ac kais sie pacl el acse lahlmwetmwet ac mwe luti nuh sik.

Ke ohsun lasr inge, el sruhmuhn nuh sik ma Leum el ac oruh ac el fahk lah el ac oruh fuhkah tohkohsrahi lal uh ke lwen sahflah.

In pacl sac me pahpah tuhmuhk ah arulacna suhkahsruhp. Kuht enenuh in orekma oacna mwet foko. Kuht kihsackihn kuhtlac ke lwen na lwen kuh loes liki pac in orekma fin kuh. Kuhtuh pacl uh kuht orekma fototo nuh lohm sesr ah. Kuhtuh pacl uh suhpweyuck lac kuht in orekma ac muhta loes liki lohm sesr ah. Ke ma inge, ke srihpen kuht tiac fuhlweack in orekma oruh kuht muhta insewowo.

Ke October, 1825, nga sokwack orekma se luhk yurin mwet se pahngpahng Josaiiah

Stoal. El muhta Chenango, New York. Ke pacl se nga orekma yohrohl Mr. Stoal inge, el sackuhnlah nuh sik in muhta ac mongo yohrohl Mr. Isaac Hale, ke acn srisrik se pahngpahng Harmony. Nga liaclwack Emma Hale oemet we. Tuhlihk muhtwacn se nahtuhl, ma tok pahyuckyak sik ac. Kuht macruht lac ke January 18, 1827, ke pacl se nga srackna orekma yohrohl Mr. Stoal ac.

Tukun na nga macruht lac ah, nga tilac orekma yohrohl Mr. Stoal ac nga som nuh yurin pahpah tuhmuhk ah, kaksrel orekma ke imac ah ke summer sac.


Sahflahiyac ah pacl fal tuhkuh ngan eis plates ah Urim ac Thummim ac mwe loeyuck sac. Sulpac sun sie pacl ah ke yac sac, September 22, 1827. Ke ma inge nga som nuh acn se ma inge puckpucki we ah oacpacna pacl nuhkwewa ah, ac mwet sac pacna use ma inge nuh sik. El fahk muh ma kunuck in fosrngahkihn. El fahk muh nga fin sopokloti ac tiac karuhnguhnwacng in tuhlac, Leum el ac utiyuclac. Tuhsruhk nga fin srihke kuhiyuck in taranwacng nwe kena mwet sac fohlohkoh uslah, na ac karihngihnyuckyang.

Nga sana konwacack lah efuh mwet sac suwohswohs in fahk nuh sik in karuhnguhnwacng plates inge, ac efuh el fahk muh el ac fohlohkoh is ke ac tari orekma luhk kac uh. Ke pacl se na mwet uh etwacack lah plates inge oasr yuruk ac, eltahl srihke kuhiyacлтаhl in eslah likiuc. Eltahl srihke kain nuhkwewa ma eltahl kuh in oruh in sang uslah likiuc uh. Ahkkweok ah upaclac liki met ah.

Mwet pucspucs srihke in pihsraclah likiuc. Tuhsruhk tuh ke lahlmwetmwet luhn God, el taranwacng ma inge in oan mislac yuruk. Ke pacl se sahflah ma nga oruh kac ah, mwet sac fohlohkoh eis oacna ke el fahk ah.

Nga fohlohkohwacng nuh sel, ac el kaliac oasr yohrohl, in pacl sac me nwe

*"Sahflahiyac ah pacl fal
luhk in eis plates inge."*



ingena in pacl se nga sim inge, ke May 2, 1838. Tuhsruhk tuh fin nwe wacngihnlac yuruk plates ah, ahkkweok ah srackna fahsr. Tausin sramsram stuhuh sruhmuhnyuck keik ac sucu luhn pahpah tuhmuhk ah. Nga fin suhmuhslah sramsram inge nohfohn ac nwacklah kuhtuh puk pucspucs. Sahflahiyac ah ahkkohs inge upaclah oruh nga enenuh in som liki acn Manchester. Nga ac muhtwacn kiuck ah som nuh acn srisrik se pahngpahng Susquehanna ke state Pennsylvania ah.


Ke pacl se inge, nga ac muhtwacn kiuck ah arulacna suhkahsruh, ac wacngihn ma kuh in oruh kuht in tilac suhkahsruh mweyen ma ke ahkkohs inge upac uh. Tuhsruhk tuh infulwen na kweok se lasr inge, kuht konwacack mwet se pahngpahng Martin Harris. El mwet kawuck na pwacye se lasr. El muhta Palmyra ke acn srisrik se Wayne ke State New York. El mwet imac pwengpweng se.

El tuhkuh nuh yohrohsr, use tala luhmngaul nuh sesr, kuht in orekmakihn ke fuhfahsryucsr se lasr ah. Ke srihpen kahsruh sac sun kuht na ke pacl se kuht mukwiyak ah, oruh kuht kuh in sun acn kuht fahsr nuh we ah (Pennsylvania). Tukun na kuht sun acn we ah, nga muhtwacwacack in sihmuh mwet sruhmuhnyuck ke plates inge nuhke pwepuh.

Puhs seltahl nga suhmuhslah ac ke orekmakihnyen Urim ac Thummim, nga luhngaslah kuhtuh seltahl. Nga oruh ma inge inmahsrlon December nuhke February ke yac tok ah ke pacl se nga sun lohm sin pahpah tuhmuhn muhtwacn kiuck ah.

Ke kuhtuh pacl ke February, Mr. Harris, mwet se nga fahk met ah, el tuhkuh nuh yohrohsr. Nga sang nuh sel inen mwet nga suhmuhslah ke plates sac, ac el us som nuh New York City. Sramsram kacn sifacna ke ma sikyak nuh sel ac inen mwet el us ac pa

*"Nga muhtwacwacack suhmuhslah
sihm ke plates ah."*



inge. Nga suhmuhslah oacna ke el sruhmuhn nuh sik ke el fohlohkoh ah.

"Nga som nuh New York City ac sang inen mwet inge ac lweng kac ah nuh sel Professor Charles Anthon. Professor Anthon el mwet etweyuck ke sramsram mahtuh uh. El ahkkahlwemye muh lweng sac pwacye. El fahk muh lweng sac pa pwacye emet ke lweng el lie luhngasyuck la liki kahs Egypt uh.

"Na nga sang nuh sel inen mwet ma soenna luhngasyucklac ah. El fahk muh pwacye eltahl mwet Egypt, Chalda, Assyria, ac Arab. El use lacta se nuh sik ahkkahlwemye kuh kac nuh sin mwet Palmyra la pwacye inen mwet inge mwet na pwacye ac luhngasyac uh pwacye pac.

"Nga sang lacta sac nuh in pakiht luhk ah ac tuhfhahna tifoki na el pahngonyuh. El siuck sik lah mwet fuhsr sac konwacack fuhkah gold plates sac. Nga fahk nuh sel muh lupufacn se luhn God fahkwacng nuh sel acn oan we ah.

"Na el siuck elan sifilpac lie lacta se lal ah, Nga eslah liki pakiht luhk ah sang nuh sel. El eslah seyac, na el fahk muh lupufacn uh tiac sifil muhtwacta yurin mwet uh in pacl inge. El fahk muh nga fin use plates sac nuh yohrohl, el ac luhngaslah, Nga ahkkahlwemye nuh sel lah kuhtuh ipin plates sac siliyucki, ac wacngihn lwelah nuh sik in use.

"El topuk muh el tiac kuh in riti puk siliyucki se. Nga som luhkwel nuh yohroh Dr. Mitchell, suc ahkpwacyelah ma Professor Anthon el fahk ke mwet ah ac ke luhngasyac ah."

Pa inge sahflahiyeen sramsram se Martin Harris el sruhmuhn ah. Ke April 5, 1829, Oliver Cowdery el tuhkuh nuh lohm sik ac. Met liki pacl sac nga tiacna liacl.

El fahk nuh sik muh el mwet luti se ke acn sin pahpah tuhmuhk ah. Oasr tuhlihk nuhtin pahpah tuhmuhk ah ke lutlut sac

oruh Mr. Cowdery el muhta yurin pahpah tuhmuhk ah ke kihtin pacl. Sucu luhk ah sruhmuhn nuh sel ke nga eis plate : sac, ac ingena el tuhkuh in sramsram nuh sik kac.

Ke Iwen se ahkitkohsr in April, Iwen luo tukun Mr. Cowdery el sun yuc ah, nga muhtwacwacack in luhngaslah Puk luhn Mormon, ac el mwet sihm luhk.

Kuh Sac Fohlohkyak

Kuht luhngas puk sac nwe kena May 1829, Kuht akikhlen lah kuhtuh ip ke plates sac sruhmuhn ke baptais in nuhnak muhnahs ke ma koluk.


Na sie Iwen ke mahlwem sac kuht som nuh insack ah in pruhe ac siuck sin Leum kac. Ke pacl se kuht pruhe ac pahng nuh sin Leum ah mwet utuck kaks se wi puhkuhnyen fasrfasr se tuhkuh inkuhsrao me. El fihliac pahol fin sifacsr ac ahkinsewowo ye kuht ac fahk:

"Ke en Messiah nga sang kuh luhn Aaronic nuh sumtacl, suc mwet kuhlwcansap lal oacna nga. Kuh se inge sruokyac ki luhn muhtwacta ac luti luhn lupufacn ac mwo sasu luhn auliyak ac baptais lipactoklac nuh inkof uh ac ke nuhnak muhnahs ke ma koluk, ac fah tiac sifil itucklac liki facluh, tuhlihk nahtuhl Livai in sifilpac kuh in oruh suwohswohs lalos ke mwe kihsac nuh sin Leum."

Mwet sac fahk muh kuh luhn Aaronic tiac acse kuh lasr in fihliyac pahosr fin sifen sie mwet ac sang mwe sang luhn Nguhn Muhtahl nuh seltahl. Tuhsruk kuh se inge ac fah ituckuh nuh sesr tok. El sap kuht in som ac baptaiselah sie sin sie. El oreyuc in baptais ellah Oliver Cowdery ac na elan baptais iyuclac.

Mwet se ma muhtwacta yohrohsrc ac acse kuh luhn Aaronic nuh facsr inge fahk nuh sesr muh inel pa Jon, el pacna pa mwet

*"Ke May 15, 1829, Jon Baptais
el sang kuh luhn Aaronic nuh facl
Joseph Smith ac Oliver Cowdery."*



se pahngpahng Jon Baptais ke Mwuleang Sasu ah.

El fahk muh Piter, Jemes ac Jon kohlohl in oruh ma el oruh tahfahna tari ac. Ki luhn Melchizedek ah oasr in pacoltahl. El fahk lah kuh se inge ac ituckuh nuh facsr ke pacf fal. El fahk muh ingelac nga ac pahngpahng Mwet Mahtuh se oemet ac Oliver Cowdery pa ac pahngpahng Mwet Mahtuh se ahkluo ke Alu uh.

Na kuht som baptais elah sie sin sie oacna ke el fahk ah. Nga baptais ellah Oliver met na tohkoh el baptais iyuelac. Na mweyen suhpweyuck kuht ah, nga fihliac pouk fin sifac ac ahkinsewowoyac nuhke kuh luhn Aaronic ac el ahkinsewowo yeyuc nuhke kuh sac pacna.

Ke na pacf se kais sie sesr otyak liki ye kof uh ah, kuht puhla mwe ahkinsewowo na yohk tuhkuh sin Pahpah tuhmasr Inkuhsrao me. Ke na pacf se nga baptais ellah Oliver Cowdery ah, Nguhn Muhtahl tuhkuh nuh facf, ac el tuyak ac sruhmuhn ma pucspucs suc ma ac sa sikyak.

Nga oacpacna, ke pacf se na el baptais yuelac ah, nga tuyak ac sruhmuhn muhsahiyen pacf fahsruh uh, ac kapkapwack luhn Alu se inge ac kuhtwepacna ma sahyac ke Alu uh ac ke mwet in pacf inge uh.

Kuht ahkinsewowo yeyuck sin mwet se inge ac baptais lac ke May 15, 1829. Kuht nwacnwaclah ke Nguhn Muhtahl ac enganwack ke srihpen God lasr ac molwelah lal nuh sesr.

Ingena Nguhn Muhtahl tohlwack nuhnak lasr uh ac muhtwacwacack in fahkwack kaks luhn God nuh sesr kuht in kahlwem kac. El ahkkahlwemye kalmac ac srihpac pwacye ma upac in etweyuck ke pohloh kaks met ah. In pacf inge ke srihpen luhman ahkkweok ma mwet tuhlan luhk uh ahkkahlwemye uh, kuht enenuh in lukmacelah ma pwacye se ke kuht eis ke kuh ac baptaiselah sie sin sie inge.

Weacng pac ma inge, mwet ma pahngon muh yohk lahlahlfongi la ah oraclah u in ahkfohs ye kuht pacl nuhke pacl. Ma sefanna oruh eltahl in koflah ahkolukye kuht uh pa sucu luhn pahpah tuhmuhn muhtwacn kiuck ah. Eltahl oreklac sin God me in karihngihn kuht. Pahpah tuhmuhn muhtwacn kiuck ah ac sucu lal ah lain u koluk inge. Eltahl arulacna wo nuh sik ac eltahl puhla muh mwet inge enenuh in fuhlwelah ngan oruh, lweng luhk uh ac eltahl in tiac lisrongyuc. Eltahl olwelah in karihngihn kuht ke kuhiyacitahl nohfohn in lain orekma nuhkwewa ma tiac fahsr ke ma sap uh.

Ke pacl se kuht lweng inge, kuht etwacack lah Leum el ac acse mwet lohoh tolu suc el lwelah in lie plates ma nga lweng kac inge. Mwet lohoh inge kuh in fahk lah pwacye eltahl lie. [Lweng se inge, ma sifac sacn pa Puk luhn Mormon sifacna sruhmuhn ke ma inge in Ether 5:2-4 ac 2 Nephi 27:12.]

Tukun na kuht etwacack ah, Oliver Cowdery, David Whitmer ac Martin Harris kena ngan siuck sin Leum in eltahl pa mwet lohoh tolu ac. Nga siuck sin Leum ac El fahkwahk nuh sik lah eltahl pa mwet lohoh tolu ac.

Tukun lwen puh, Martin Harris, David Whitmer, ac Oliver Cowdery ac nga sifacna som nuh insack ah. Kuht srihke in mongfihsracsr ac sang insiacsr in pruhe Leum elan muh kuh in oruh nuh sesr oacna ke el olwelah muh eltahl ac lie plates ah. Na kuht sulaclah insahk se sicken lohm sel David Whitmer ah. Kuht som nuh we sikuck muhtuhntei ac muhtwacack pruhe. Yohk lahlahlfongi lasr muh God Kuhlacna el ac ahkpwacyeye olwelah Lal nuh sesr ah.

Kuht otwelah muh nga ac pruhe met na kais sie seltahl ac wowoyak pruhe. Pacl se oemet kuht nohfohn pruhe nuh sel Pahpah Lucng ah, tiacna topukyuck. Wacngihn mwe

ahkkahlwemye tuhkuh sin God me. Kuht nohfohn sulpac pruhe, kais sie ke insiacsr na pwacye nuh sin God, tuhsruhk wacngihn ma sikyak oacpacna pacl se met ah.

Tukun kuht koflah oraclah ke pacl se ahkluo ah, Martin Harris el fahk muh el nuhnkuh tuh el pa srihpac se oruh kuht koflah eis topuk ke pruhe lasr ah uh. El muh el ac som liki kuht. Tukun el som liki kuht ah, kuht sifilpac sikuck muhtuhntei ac pruhe. Kitin pacl na, kuht lie kahlwem se lucng yen engyeng uh. Arulacna kahlwem na pwacye.

In kihtin pacl ah, lupufacn se tu ye muhtahsr sruok plates inge in pahol. El ikihl plates inge in pahol kais sie kuht in muh kuh in lie sihm ke kais sie ah. Na el forlah nuh sel David Whitmer ac fahk, "David, insewowo nuh sin Leum, ac insewowo nuh sin suc karuhnguhnwacng ma sap Lal."

Tukun na pacl sac, kuht lohng puhsra se tuhkuh liki kahlwem se lucng ah. Puhsra sac fahk ohinge, "*Plates inge ma fahkwack ke kuh luhn God ac luhngasyuhklac ke kuh luhn God. Lweng ma komtacl lie tari ac pwacye, ac nga suhpwe komtacl in fahk ma pwacye komtacl lie ac lohng inge.*"

Tukun na pacl sac nga som luhkwel David ac Oliver in sokol Martin Harris. Nga konwacwack el muhta loeslac liki kuht ac el sang insiaccl in pruhe. Tuhsruhk el silahklahk na in fahk nuh sik lah Leum el soenna tohpkuhl. El siuck sik lah nga kuh in weluhl pruhe elan muh kuh in eis mwe insewono se ma kuht nohfohn eis tari ac. Kuht tuhkweni pruhe ac sahflahiyac ah kuht eis ma kuht siuck ah.

Met liki kuht tari ac, kuht lie aruhruhma sac pacna, a nga lie ac lohng ma se na nga lie ac lohng met ah. Ac in pacl sac pacna Martin el wolac, el enganwack na pwacye. El fahk "Fal! Fal! Nga lie!" Nga lie! El

sroyak ac salah. "Hosana" kaksakihn God, ac engan ma luhlahp.

Inge ke mwet tolu inge lie aruhruhma sac tuhkuh ke pahkotwen luhn God, eltahl enenuh in oruh ma suhpweyuck eltahl kac uh ac in fahkwack ma pwacye nuh fin facluh lah eltahl lie plates inge. In oruh ohinge eltahl suhmuhslah pohloh kaks ekahsr inge.

Fahkwack Pwacye Luhn Mwet Lohoh Tolu


Kuht fahk nuh sin mwet in muhtuhn faci nuhkwewa, sruf, ac kain in kaks nuhkwewa ma ac muh lie puk se inge uh, lah ke kuhlzacng luhn God Pahpah ac Leum lasr Jisus Kraist, kuht lie plates ma luhngasyucklac inge. Oasr loac ma suhmuhslah ke mwet Nephi, ac tamuhlwel laltahl, mwet Laman ac oacyacpac mwet Jared ma tuhkuh ke taor se sruhmuhnyuck ah.

Kuht etuh lah ma suhmuhslah ke plates inge ma luhngasyucklac ke mwe sang ac kuh luhn God. Puhsracl ahkkahlwemye ma inge nuh sesr. Na kuht etuh suwohs lah puk se inge pwacye. Kuht fuhlahk lah kuht lie sim ke plates inge ac ahkkahlwemye yuck nuh sesr ke kuh luhn God ac tiac ke kuh luhn mwet uh.

Kuht ahkkuhtweyac ke kaks muhtahl lah lupufacn se luhn God tuhkuh inkuhsrao me, el us plates inge ac kohlwack nuh sesr kuht lie. Kuht lie ke muhtahsr sifacna sihm kac ah. Ke kuhlzacng luhn God Pahpah ac Leum lasr Jisus Kraist, kuht lie ac etuh ma inge ac kuht fuhlahk lah ma inge pwacye. Kuht nuhkuh mu arulacna mwe lut.

Tuhsruhk puhsren Leum sap kuht in fuhlahk kac, in ahkos ma sap luhn God, kuht fuhlahk ke ma pwacye inge. Kuht etuh lah fin yohk lahlahlfongi lasr ke Kraist ac wacngihn ma suhfal lasr, ac wacngin ma koluk konweyuckyak in kuht ke pacl se

*"Kuht lie plates inge ac kuht
fuhlahk lah ma inge pwacye."*



Kraist el ac nuhnuhkwe kuht uh, ac kuht,
ac weluhl muhta inkuhsrao ma pahtpaht.
Kuht sang ahkfuhlwact lasr ke ma inge
nuhkwea nuh sin Pahpah, ac nuh sin Wen
ac nuh sin Nguhn Muhtahl, suc God
sefanna. Amen.

Oliver Cowdery
David Whitmer
Martin Harris

Pacl na fototo tukun ma inge sikyak ah,
mwe lohoh pwacye se ahkluo ah sihmlac pac.

Fahkwack Pwacye Luhn Mwet Lohoh Oalkosr

Kuht fahk nuh sin mwet in muhtuhn facl
nuhkwea, sruf, ac kain in kaks nuhkwea
ma ac muh lie puk se inge uh, lah mwet
lweng se Joseph Smith Jr. ahkkahlwemye
nuh sesr plates ma sruhmuhnyuck in puk
sac. Plates inge oacna in oreklac ke gold.
Nohfohn na plates ma el lweng kac inge
kuht sruok ke pahosr sifacna. Kuht
oacyacpac lie sihm kac ah. Nohfohn na
oacna in ma oreklac ke pacl na loes, ac
arulacna usrnguck. Kuht fuhlak na pwacye
lah Mr. Smith el use kuht lie. Kuht lie,
sruhksruh ac etuh suwohs lah oan sel
plates kuht sramsram kac uh. Kuht
suhmuhsrah inesr mwet facluh nohfohn in
lie, ac kuht fuhlak nuh sin mwet fin facluh
lah kuht lie plates inge. God el mwet lohoh
lasr lah kuht tiac kikiacp.

Christian Whitmer
Jacob Whitmer
Peter Whitmer, Jr.
John Whitmer
Hiram Page
Joseph Smith, Sr.
Hyrum Smith
Samuel H. Smith

*"Kuh luhn Melchizedek tuhkuh
sel Piter, Jemes ac Jon."*



Kuht salka na in tari ahkpwacyeyeyuck olwelah se ma lupufacn se use nuh sesr kuh luhn Aaronic ac ac muh use uh. El fahk muh fin yohk lahlahlfongi lasr uh, kuht ac oacyacpac eis kuh luh Melchizedek. Kuh se inge oasr kuh la in fihliac paho nuh fin sifacn mwet se ac sang nuh sel mwe sang luhn Nguhn Muhtahl.

[Mwet pahluh sac fahk lah el ac Oliver Cowdery eis kuh luhn Melchizedek sel Piter, Jemes ac Jon ke acn se sisken infacl Susquehanna inmahsrlon acn srisrik se pahngpahng Harmony ke state Pennsylvania ac acn srisrik se pahngpahng Colesville ke State New York.]

Muhsahack Luhn Alu Uh

Ke pacl se Puk luhn Mormon ah srackna orek ah, kuht tiac tui in sruhmuhn nuh sin mwet uh ac fuhlak ke ma nuhkwea sikyak fin oasr pacl wo se lasr. Kuht oacyacpac fahk nuh sin mwet ma wi kuht lahlahlfongi se ah lah sapkakihn yuck nuh sesr in muhsaheack sie alu ac.

Na kuht ohsun in oruh oacna, ke lohm sel Mr. Peter Whitmer, Sr. Lwen sac Tuesday se, April 6, 1830. Kuht muhtwacwack toeni sac ke sie pruhe na muhtahl nuh sin Pahpah tuhmasr Inkuhsrao. In oacna ke sapkihn yuck nuh sesr met liki ah, kuht siuck sin kais sie lah el lwelah kuht in mwet luti lal ke ma luhn tohkohsrahi luhn God.

Kuht oacyacpac siuck seltahl lah eltahl falkihn kuht in muhsaheack Alu se oacna ke sapkihn yuck nuh sesr ah. Eltahl nohfohn vote insese nuh ke ma kuht ngihsre ah. Na nga fihliac pouk fin sifacl Oliver Cowdery ac ahkinsewowo yacl lah elan mwet mahtuh ke Alu Luhn Jisus Kraist luhn Mwet Wo in Lwen Sahflah. El oacyacpac ahkinsewowo yeyuc in elder ke pacna alu sac. Kuht eis

bread, ahkinsewowoye, kucnsaclih, ac
weluhltahl mongo.

Tohkoh kuht eis wain ahkinsewowoye ac
weluhltahl nihm. Na kuht fihliac pahosr fin
sifen kais sie mwet wi inge eltahl in muh
kuh in eis mwe sang luhn Nguhn Muhtahl ac
in ahkkweyellah elan sie mwet ke Alu luhn
Jisus Kraist. Nguhn Muhtahl tuhkuh nuh
sesr ke luhpah na yohk se. Kuhtuh sesr
pahluh, ac kuht nohfohn kaksakihn Leum ac
engan arulacna yohk.

Kuht sulaclah ac ahkinsewowo ye pac
mwet nuhke kuhtwena kain kuh ke offices,
wi na luhman kolyuck luhn Nguhn nuh sesr
ah. Kuht engan ke kuht lie ac puhla sesr
sifacna kuh luhn ahkinsewowo ke Nguhn
Muhtahl, suc utuckuh nuh sesr ke luhng
kuhlwacng luhn God uh.

Ke pac se kuht fahsrelih ac, kuht
insewowo lah kuht etuh lah ingena kais sie
sesr mwet in Alu luhn Jisus Kraist. Kuht
insewowo lah God el akihlen Alu se inge.
Kuht musaheack fal nuh ke ma sap ac
fwackyak El acse nuh sesr ke lwen sahflah
ac oacyacpac in fal nuhke muhsahyak luhn
ma suhmuhslah luhn Alu uh ke Mwuleang
Sasu uh.

* * *

Ma kom riti inge mwe ahkuhtweyac ac
lohoh suwohs lal Joseph Smith. El
sruhmuhn kuhtuh ma sikyak ma oruh Alu
luhn Jisus Kraist luhn Mwet Wo in Lwen
Sahflah muhtwacwacack uh.

Pacl fototo tukun el muhsaheack alu
sac, el ac mwet lal inge som liki New York
state nuh Kirtland, Ohio.

Eltahl muhsahelah temple na kahto se
we ac muhtwacwacack in luti mwet
pucspucs ke mwo sasu. Pihsen mwet ke alu
sac arulacna pihsrpihsr in kapwack. Yohk
luti orek in Missouri. Tok, inkaiyen mwet
ke alu sac som nuh Missouri.

Ke pacl se inge, mwet uh tiac insese nuhke kuhtuh alu uh. Mwet Missouri ac sa na kasrkuhsrakwack sin Mwet Wo in Lwet Sahflah, a un mwet koluk ukwacitahlwack liki acn seltahl ah. Eltahl sap ke kuh mwet wi inge in som liki lohmi seltahl ah. Eltahl som liki imac ac lohmi eltahl alu kac ah.

Eltahl som nuh Illinois. Mwet we ah paing mwet wo in Lwen Sahflah ah, kuhlwasng nuh seltahl ke pacl upac se nuh seltahl ah. Mwet wo inge molwelah inkohsroh na luhlahp se sisken infacl Missouri ac. Eltahl enuhmlah inkohsroh se inge ac muhsahelah City se kac pahngon Nauvoo, kalmac pa "kahto". In pacl se inge, el pa yohk oemet ke city ke state sac uh.

Ke srihpen luti luhn missionaries in acn sac, ac oacyacpac ahlukwelah nwe England, pihsen mwet ke alu sac arulacna puhseni. In kihtin pacl na eltahl orulacna fokoko.

Tuhsruhk tiac mislac paht acn Nauvoo. Mwet uh sifilpac kasrkuhsrak ke Alu luhn Mwet Wo in Lwen Sahflah ac ahkkweokye mwet kac ah. Joseph Smith ac tamuhlwel se lal Hyrum sisiyang nuh in kaclpous ke srihpac stuhuh. Mwet luhn office ke state sac olwelah in karuhnguhnuhltahl ke pacl se eltahl soano pacl in nuhkuh ah.

Eltahl tiacna karuhnguhnuhltahlwasng. Ke June 27, 1844, ke pacl se eltahl muhta in kaclpous ke acn srisrik se pahngpahng Carthage, un mwet koluk se srolwaslah muhtahltahl som likacskilyac Joseph ac Hyrum eltahl misac.

Brigham Young pa mwet pahluh se tohkohl ma kol Alu sac ah. El kol Mwet Wo in Lwen Sahflah inge liki acn Illinois, ahlukwelah acn tuhpahsrpahsr North America, ac nuh ke finohl soko pahngpahng Rocky Iwacyen nuh rohtoh ah. Acn sac acn mwesis se. Yohk lahlahlfongi laltahl ac eltahl arulacna fokokoi na pwacye.

Mihsenge millions mwet ke acn
puhkantwen fin facluh insese nuh kac
Joseph Smith elan sie mwet pahluh luhn
God. Alu luhn Jisus Kraist luhn Mwet Wo in
Lwen Sahflah yohkiac uh ma ke ma
fwackyng nuh sel, ke ma pwacye muhtahl
el luti, ac ke kuh luhn kuh fohlohkyak kac.

* * *

**ADDRESSES LUHN MISSION
LUHN ALU UH**

Kuhtuh offices luhn mission ke Alu luhn Jisus Kraist luhn Mwet Wo in Lwen Sahflah uh pa tahklac ten inge. Kom kuh in etuh yohk ke alu uh ac mwo sasu luhn Jisus Kraist ke muhtwacta kuh sihm nuhke office se ma fototo nuh yurum uh.

Micronesia Guam Mission
P.O. Box 21749 GMF
Barrigada, Guam 96921

Missionary Department
50 East North Temple, 3WW
Salt Lake City, Utah 84150
U.S.A.

ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

KOSRAEAN



4 02326 67868 8

32667 868